

Skupština Udruženja poljoprivrednika "Ključka dolina"

15. 03. 2010

U subotu je u Ključu održana redovna Skupština Udruženja poljoprivrednika "Ključka dolina"; na kojoj je razmatran Izvještaj o radu za proteklu te Program rada i Plan aktivnosti za ovu godinu. Jedno od najuspješnijih Udruženja poljoprivrednika na području našeg kantona u 2009. godini uspješno je realizovalo niz projekata iz oblasti razvoja i unapređenja poljoprivredne proizvodnje. Skupština je pohvalila dosadašnji rad Udruženja a prije svega funkcionisanje Revolving fonda za nabavku sjemenskog materijala, u koju svrhu je protekle godine utrošeno blizu 115.000,00 KM.

Udruženje aktivno radi na realizaciji Plana rada za ovu godinu i već im je odobrena realizacija sedam projekata u vrijednosti od preko 60.000,00 KM a od njih su možda najinteresantniji Projekt izrade analize zemljišta za poljoprivredne proizvođače te izrada Elaborata o sistematskoj kontroli plodnosti poljoprivrednog zemljišta na području opštine Ključ za koje su već potpisani ugovori. Od preko 160 članova "Ključke doline"; trenutno su strukturi članstva najbrojniji proizvođači mlijeka te proizvođači mesa, a Udruženje je otvoreno i za ostale poljoprivredne proizvođače.